

煙

嶼

樓

詩

集

烟嶼樓詩集卷十一

鄞 徐時棟同叔稿

慈谿葉鴻年吉甫刊

七古二

舟發揚子江

雞公三唱天欲明。銅鉞鞞鞞催船行。紅燈高揭光瑩瑩。
揚子江頭風暗生。樓臺丹碧紛縱橫。金山拳石移人情。
明朝踏月聞簫聲。片颿會泊揚州城。

烏日節
奏人妙

讀曰風骨道上在吾
鄉爲高疏寮一派

殺鴨行

以下二首北
行車中作

主人速客戒庖厨。明當食鴨。今有諸庖人數鴨得十頭。
爲言足備來朝需。磨刀霍霍向籠鴨。鴨籠高大形覆盂。
籠中捉鴨籠外殺。殺鴨不異刈生芻。奏刀次第及第九。
籠中剩鴨心膽枯。縮項惕息作雛伏。側目四顧三躊躇。
突然躍起竹籠倒。急覓籠隙前奔趨。兩掌反側行跋躄。
兩翼欲展不得舒。哀鳴唧唧入牀下。願此微命留斯須。
嗟爾微命亦是惜。何曾之飽何其愚。昔有

聖人戒特殺。况爾薄福亦區區。

雁帶箭行

少年走馬郊原遊。挽強射雁貫雁頭。雁頭帶箭昏撲地。
倏然復起飛高秋。明年少年戶傍立。一鳥銜箭當前投。
拾箭笑看箭無恙。耳垢聊以箭爬搜。厲風擊戶戶擊箭。
箭躍過腦血橫流。老翁錯愕相告語。此雁不死能報讎。
我聞斯言意忽動。老翁之說非其僞。箭頭銛利本無比。
般人何異於戈矛。去年之雁帶箭去。微命焉能須臾留。
雁友或俠如俊鶻。慷慨能爲同羣謀。雁兒或孝如烏鳥。
輾轉思洗亡者羞。相呼啄箭訴風伯。七日七夜聲啾啾。
風伯鑿彼區區情。鬼鏃如雪陰風颼。男兒結交重意氣。
長跪進爾千金裘。牀頭寶劍作孤嘯。出門歎息弄扁舟。

童曰奇情奇事曲曲傳出看似易而實難末處含蓄不盡耐人尋味陸曰絕不道破正意使人言外見得讀先生詩處處當作如是觀又曰明年少年下六句寫得刻入微至如此方當得一達字

舟泊維揚大風雨懷超粹甫大令

佑宸

卻寄

鴻年案古人集中投贈朋好之作名號官職皆以賦詩時爲據不因後來更改遷擢而追易之也今編此集悉仿其例邵君爲秀才名景泉號鏡湖及丁酉登鄉榜更名錦泉號又橋故五古卷癸丑之作曰邵又橋錦泉七古卷乙未之作則曰邵鏡湖景泉若趙君以字西官編修時更名佑宸此詩作於丁未官從其舊而名從其後者以原名犯

今上御名不敢仍用之耳

大艦。驚。浪。車。揚。塵。四。千。里。路。來。見。君。長。衫。短。揖。相。爾。汝。三。年。不。見。容。顏。新。雞。缸。傾。倒。渴。不。止。一。腔。熱。血。尚。如。此。

別久對酒難爲歡。聞君聲華滿燕市。明駝健僕門前遶。
致君不得心煩惱。搓髯手整朝

天衣。無人能作承。

恩表去年決戰秋。風急千夫辟易陣頭立。青衫落魄長

安門侍郎叱咤尚書泣。謂羅羅材郎及許慎生先生下馬再拜逢生

客黃金來買劉蕢策。何人交臂失王孫。還家坐歎無顏

色。雙佩齋頭東風哀。一聲羯鼓紅筵開。千花帶笑向君

舞。君曰不樂吾歸來。馬蹄亂踏春明路。我不得意先歸

去。君立街頭我登車。穆穆楊柳銷魂樹。扁舟慷慨新詩

聲。周郎顧諟無閒情。謂廉泉同年狂歌擊節潛魚出。此時那

憶人聞名詩囊笑。向湖樓擲我歸。自號風流伯。絃詩中
酒花滿天盍歸乎。來潞河客。

劉曰宏音亮節鏗鏘盈耳結尤

悠然不盡所謂篇終接混茫也

陸曰以六朝之情韻寫燕趙之悲歌千古

才人一齊下淚 又曰格調極似何大復

舟中憶范子真孝廉

多銑

卻寄

范叔瀟灑多丰姿。離家苦作懷人詩。羶車曉自潞河發。
春明門外看花時。珊瑚架子秋千索。征衫遊戲淨香國。
吳兒窈窕工媚君。故將鄒忌比城北。夜闌憶否相思地。
陌頭柳色申申晉。明恩幽怨辜負人。前年分手太容易。
只今憔悴長安道。東風得意誰家早。紅袖淚比青衫多。

坐看姊妹容顏好時子真條時有新登第者問舍豈有黃金穴相君
更無封侯骨天涯飄泊胡不歸忍使阿嬌坐愁絕曲終
奏雅君當聽芙蓉洲外湖波青雲和吹徹白華曲高堂
黑髮如晨星

陳曰末四句孝思錫類天
遊游子讀此當爲心骨酸
鳥曰前篇豪邁悲
涼此篇深情遠韻

董丈小莊詞鄱陽湖圖歌

鄱陽湖水清只且鄱陽湖干公下車下車撫字心勞劬
行年五十多白鬢公心有如冰玉壺丈自作私印曰清比玉壺笑比

清灣梁大夫畫師貌公神清臞坐公湖側公歡娛秋風

起兮思純鱸父老歌泣兒童趨門前綠波春盤紆公歸
日日觀打魚垂暮卻憶游宦區看取壁上鄱陽圖公不
忘民如此圖民不忘公如此湖白雲城外湖之隅白雲城在
餘干隋也爲公會作新亭無湖水清清今何如何不汲取
薦公乎

陸曰公不忘民二句絕好頓

挫絕好結束結句尤有餘音

童曰命筆超脫寄情極遠結語與

篇首相映合所謂一綫到底也

周曰結語是古人贈記事法蓋

舍人題圖時先生已歸道山耳

題徐將軍慶超春波滌硯圖

海島蒼蒼海風黑將軍入海手擒賊磨崖笑勒燕然銘

江山坐鎮風流。伯幕府畫靜如蕭齋。墨花點滴沁官階。
健兒抱紙帳前立。將軍脫帽方神來。蛛絲馬跡徒區區。
將軍能作一火書。卻召畫師寫真意。寫作春波滌硯圖。
自歸道山十五年。傳家季子能象賢。浙東將軍舊鎮地。
薄宦來此搜新篇。帶刀殺賊名將功。潑墨揮毫儒將風。
卽今海外風波惡。披圖尚思將軍忠。

同舍弟子舟奉陪徐信軒使君敬謁偃王墓

先王受命於鎬。鄠錫命爲伯。弓則彤。

事見竹書紀年彤弓卽命爲方伯時

賜物後人謂通溝陳蔡間所得者妄也

玉帛朝會四十國。蠻荆震懾爭其

鋒。王仁不忍以民戰。避楚之越來。甬東會稽之水投几。

研翁洲築城居以終海濱有山高率律王沒於茲營幽

宮卽諡名山曰隱學

漢書徐隱王師古曰卽偃王王逸注楚詞曰偃諡也按偃隱古通語

詳所著徐偃王志

其地今在鄞東封夏侯地志引古傳徐城遺

蹟畱崇墉

夏侯志已亡語見史記正義所引括地志中

自彼張華傳異說謂

王逃戰彭城中昌黎作碑襲其語轉將古說爲附庸後

儒但見昌黎文遂疑明州無王蹤

昌黎碑誌據博物志謂王死於彭城而以

之越城之隈引爲別說固已錯謬後人見韓文但言越

州不言甬東遂疑明州不應有王墓不知當時甬東實

越地奈何但以圖經大書王葬地道明志始於宋乾

今紹興當之乎紛陋說持矛攻明微確據在史傳素稱博洽何其嘗謂

宮詹

大昕王孫昔來官別駕其時記在唐代宗

徐季海以代宗未貶明州

別修墓創院拓前規天台譜謀稱厥功先祖應漢府君以南宋初自天

台遷鄞攜有譜謀猶北宋人所作者今尚存余嘗爲之疏證宋明以來或繼起尙列

翁仲與楸松迄今復閱數百載墓前蔓草滋蒙茸山麓

但映湖波碧碑趺祇餘斜陽紅僧貧寺老香火歇卽季海創

建隱學院也空山不聞梵王鐘每拜寒食念先德奔馳人事

徒恩恩邇來有志於修葺搏土採石方選工徵召宗庶

擬經始一時同志殊難逢海邦忽瞻德星曜被

詔守土來我公興廢舉墜復故道拔薤置水安商農使君

治民不大聲色其修整水利尤有功斯土者李舟王密如可作曷媿紀德嗣

文雄付姓受民追本原辱以支派相研窮十望九本先

王出諸徐所祖母乃同惟王永宅固在斯但恨歲遠無

封崇公聞我語喟然歎數典追遠吾夢夢予惟遺紹尸

厥上謁拜敢忘前輩風

乾隆閒守徐君崑亦嘗謁崇

約我與往薦臚

脯昆弟買權同追從山中士女走相告歡呼竹馬迎兒

童太守仁孝祭先墓道旁感泣蒼顏翁率厥羣從襄祀

事

是日使君命其從子之在署者同往謁墓

禮成拜獻何雍雍攝衣升陟事

周覽踐踏虎豹攀虬龍羨門傾圮滿荆棘神道茅塞迂

弗通防護失冊祭田盡畱貽但餘山幾弓入寺少憩長

太息墮壞如此神其恫千山萬壑一坏土百年雞酒將

不供會當表揭示後來大書深刻碑寫隆吁嗟史事久

荒落妄以羸徐當淮戎周秦古記弗詳考道聽塗說皆
瞽聾豈惟卮言疑邱隴千載莫知先王忠漢以後所記
罔其尤妄者穆王命楚伐徐之說也余歷我生先王墳
墓鄉讀史掩卷心忡忡自忘固陋思辨難引據一洗誣
罔空往歲載筆今垂就竊謂頗足昭發矇晚近著述難
自負書成將以求折衷因公拜墓有新作賦詩答和抒
心胸諸徐孰非王子孫敢告桑梓宜敬恭

陳曰敘述祖德歷落分明詞既辨核筆復莊重在作
者七古中另是一種筆墨正如王右軍書樂毅論如
端人雅士東方贊如古賢前哲黃庭經如碧落
仙人曹娥碑有孝女婉順之容體各有當也
烏曰以考据人詩易近迂腐此篇全以考証爲骨
而絕無一點迂腐氣犯其筆端真空前絕後之作

董曰以敘事法寫韻語源出北征故

能浩浩直達不落長慶卑靡之調

劉曰源出昌黎而運以己法

不襲其貌故能各有千古

童曰証之鑿鑿足息疑喙又曰吁嗟史事數語與

前半相足而成又曰收處極完密又曰似學韓

退之而敘事處直是史公得意之筆

七古似以此篇及游壽昌寺爲最

清江酒肆醉歌

自從吳門一醉眠蓬窗日日薰煤烟每飯舉箸無下處
往往江中招魚船縮項之鱸黑頭鯉買得盈尺不值錢
僕夫懶惰亂斫斫風味那足佐尊前今我舍舟已登陸
相將同入酒家屋老饕指動口流涎壓酒百杯心未足
此去沙村塵店中但是麥餅充飢腹杖頭有錢無酒沽

五日一見花豬肉。用坡老句座上歷歷呼友生。急須豪飲如
長鯨。解囊不惜黃金盡。放筇何論盤盂傾。便當爛醉清
江宿。何妨來日歡宿醒。莫待下車撲飛垢。枵然捫腹思
南烹。

題章韻堂年丈 忠型 玉堂富貴圖

名花古稱眾香冠。寫生省識東風面。披圖一笑話從前。
彷彿先人夢中見。夢中神語大吉祥。樹德務滋培益昌。
翁家玉樹無凡質。一枝果出超羣芳。馬蹄款款簪花歸。
綠衣奉笋娛春暉。當階芍藥向翁舞。會當看取金帶圍。

賣書行爲鄭杏卿明經 元祚 作

鄭君囊空無一錢。悵悵出門思買官。麤車羸馬入都中。
都中故人驚且憐。依人乞食少生計。落魄不易居長安。
斂錢束裝趣歸去。寶山空手心惘然。歸來坐歎無顏色。
少婦啼飢兒號寒。舊時長物行已盡。偷兒棄餘惟青氈。
慈江迢遞一相過。繫我門外書滿船。屬我沽諸求善價。
無慮不得錢萬千。在昔徵君好圖籍。謂尊人簡香先生勳卻爲買
書常賣田。張華几篋本充物。韋述黃墨皆新鮮。何爲意
懶慢藏弄。哀朽蟬斷稀。完編一朝棄之。不甚惜。祕笈過
眼付雲烟。萬物得失有定數。不妨白今遂棄。捐況我點
金亦無術。豈能強君守丹鉛。知我故人只如故。脫粟布

被姑醉眠明當僕僕作書估爲君一問交遊前平明別
君暮還見嗟余舌燥唇亦乾柳津上章尙驅鬼鬼名何
意相糾纏貧生酷好力難致豪宗浮慕心弗專錙銖毫
末與計較買菜求益夫何言吁嗟兮鄭君遇合良有緣
前年走甌越今茲入幽燕有書賣書只如此無錢買官
胡得焉先人手澤猶萬卷先人敝廬猶一椽青鞵布襪
老作書蠹自清福安用齷齪奔走宦海風波閒吁嗟鄭
君亦歸爾吾力猶能供粥饘滿船明月載書去送君聊
賦賣書篇

陳曰貧生豪宗二語切中情事妙能以十四字了之
又曰有書賣書只如此無錢買官胡得焉二語真

是榻底脫

又曰末一

段寒儒妙計良友至言

烏曰語長心鄭重又曰較少

陵哀王孫篇更說得悲苦痛快

童曰讀之令

我感憤交作

爲台州人題徐天池天心來復圖

吾家青藤狂不死拉雜作畫盈一紙一枝梅花一菜菔

不倫不類有如此梅花會意爲天心菜菔來菔復爲諧音

狂生偶然遊戲耳松枝瓜瓞沿到今近時畫工寫天竹

水仙送子圖又有畫一平生舌本幾時改老思懺悔問

瓜一蝶爲瓜瓞圖者

真宰不知來復更何年空畱畸譜人閒在生時奇窮死

則通身後乃遇袁石公餘才旁溢亦珍祕一紙尙寶雞

林中

題潘母窺屏圖

客持潘母窺屏圖。橫廣半丈高十尺。索我新詩題畫頭。
喟然望古生歎息。在昔孟陽官承郎。阿母深憂禍不測。
一朝大會來高軒。自屏窺之喜形色。滿朝朱紫皆爾曹。
兒材雖鄙官亦得。瑣瑣私語青史傳。後來盛歎知人識。
想見當時座上人。委瑣離離皆伴食。意氣橫誇鄉里兒。
豈知不得驕巾幗。男兒有材如綠衣。功名自當畱竹帛。
不然何弗高卧深山中。無使潘家屏後老婦笑啞啞。

陳曰罵
盡一切

王曰發
人深省

謝林小屏

純初

惠醪醪花

古來只有醪醪酒以色名花亦已久寒食之賜今則無
醪是此花名不朽比之蛟骨色非綠擬以龍涎香太俗
梨花楊花多不倫自然風韻豁心目吾家細君常病肝
感頰屢言心骨酸不知何處得妙法云服此花醫能痊
奇方不載花經中本草未獲收神農詩人諷詠知多少
豔羨香色遺元功我來園林將出門屬我索取言諄諄
果見次第數十本但乞一本廉且仁坡老怪爲花所挽
涪翁欲眠留不返主人許我我應歸歸去摩挲看花眼

明朝老奴擔花入山妻一笑呼童急攜鋤土柔以鬆
清婉春風面牆立自從牆角扶疏栽曉窗晨幙望花開
十日已見枝發葉一月更無花含胎未諳花事向君扣
君言花移開必後卽今已落春去時來歲蓓蕾定當有
花開治病不關我我欲醉花漬酒應大可明年花開苦
爭當柰何惟有祝花爲我一放三千朵

紀夢

有序

夜來夢讀錦繡萬花谷記一條云丞相鄭清之家女
樂名縵舞下詒出處不復憶矣醒而異之作此以記
日誦錦繡萬花谷夜來夢攤此書讀行閒體例依稀同

條貫連綴皆珠玉忽然驚醒多忘遺中有一行猶可思
此卷似是記歌曲乃及丞相鄭清之笙歌繚繞相公府
女樂蹁躑名縵舞下注徵引則已忘深念苦憶不能補
此書作者名不傳序稱淳熙之所編後人增益或屢入
遂及紹定端平年是時安晚始爰立縱使豪奢見難及
況該出處似古書誰爲紀載誰收拾我方索古恭梓桑
余考取宋元以前四明詩文遺事搜羅摺摭圖表章無
以至職官流寓方外皆分編之

口漢輔夢神造給我故實何荒唐

讀呂梓州淨德集

昔讀元祐黨人碑中有呂陶名巍巍粟粃苗莠或開廁

保非附驥名長垂。今朝書客負書入。舊本新本何纍纍。
私集卅卷號淨德。古道猶照人鬚眉。奏書陳事洞利害。
讀史著論當著龜。相公窮經方反古。一士百折不肯回。
上下學論尤卓絕。笑彼字說奚以爲。擬之陳亮非儔伍。
以方賈生堪追隨。昔者對策承明殿。時相讀卷顏沮摧。
策勸帝不惑理財之說。不開老成之謀。不敢疆場之事。
王安石讀至此。顏色變沮。不能終卷。帝詔馮京爲卒。
讀再三。嗟賞深。相推有才不用。遭抑置。僅以一官判荒陲。
泊乎他年入黨籍。雖復起之。終一麾。嗟君論性貶。苟況不能灼。
見言依違。其他學術邁。湛俗詩律良。亦中矩規。才名或爲兩蘇掩。
蜀人至今知阿誰。一編足

可下濁酒那惜爲君酬百杯

童曰著語
妙有分寸

題四明四友圖

李東門瞰鄞萬西郭承勳鄞南溪性慈謝北溟緒章

生太學生萬人磁州牧鄭谿人明經謝鎮海人諸

同時生號爲四友以詩鳴淵源各自紹家學是時老

鄭爲主盟東門之父爲杲堂先生鄞嗣西郭父五河令

家合刻集曰四明四友詩傳百餘載口操土音典刑

在今乃得見四友圖摩挲長卷驚光彩一人松下手蕉

扇謝一人拂紙萬一披卷李一人尙頌奚奴行鄭負書
似與來相見不知何人爲寫真面毛鬚頰無俗塵杲堂

詩子尤奇。古豈是尋常行路。

東門先生左目上下皆

初生時頭面有小耳數十爲繫去之後

一異僧見之曰此海上羅漢化身也當時題詠後來

續只今淋漓滿圖幅。雖然不比填詞圖。短吟長歌尙非

俗

吾友陳子相宦粵西曾見陳其年填詞圖真蹟自國初至今二百年中名公卿約畧幾備蓋世有賢子

孫常出求詩而題陵名重人樂題之以是圖卷成牛腰

嘗出求題詠同詩有錢唐吳陳炎半町馮念祖文子東

陽王崇炳鶴潭諸人嘉慶間有無錫秦瀛小峴錢唐吳

錫麒殺人吳興陳南谿元孫攜以來吳綾蜀錦新剪裁

倣然圖諸人題詠云自先人逮今日什襲藏弄雙硯齋呀

微君子杏卿明嗟四友不可作。故家喬木久零落。風流何處懷老成者。

舊晨星日。蕭索就中世家推義門。書香一髮而干鈞年。

來。南。北。東。西。走。天。涯。乞。食。常。苦。貧。手。持。此。圖。心。惘。然。謀。
生。無。計。聊。典。錢。知。我。桑。梓。必。恭。敬。不。惜。割。愛。畱。吟。邊。我。
愛。四。友。今。睹。貌。知。畫。圖。時。年。尚。少。圖中惟東門額下有
鬚南谿則微髭耳
鄭。重。爲。君。畱。案。頭。恰。復。題。詩。供。一。笑。問。君。四。明。今。何。有。
但。見。里。巷。逐。朋。酒。兔。園。冊。子。科。舉。書。眼。中。之。人。誰。不。朽。
吾。非。斯。人。而。誰。與。奇。才。旁。溢。亦。無。取。搔。首。獨。立。蒼。茫。中。
擲。筆。重。披。我。思。古。

烟嶼樓詩集卷十一

男隆壽平甫校字

烟嶼樓詩集卷十二

鄞 徐時棟柳泉稿

慈谿葉鴻年吉甫刊

七古三

咸豐八年三月二十日馮午卿竝時得兩孫喜
而有作

君家僅來城西村報我昨日生兩孫歲月日時悉無易
天然奇瑞鍾一門我方爲君發狂喜座客訝是孿生子
豈知同祖之弟昆不先不後有如此生人之數未易窮
干支有盡將雷同願我交遊非寥落似此但見姚與馮

余所交友人皆有親書履歷及生年月日謂之烟嶼樓
同人錄其中惟大興馮架小槎鎮海姚燮梅伯兩孝廉
並生於嘉慶十年古來所記姑勿說今我所知亦燕越
七月二十日巳時何如君家階庭前芝蘭玉樹竝頭茁聞道四柱雖同科
後先杪忽相去多君曉吾家子平法二雛祿命定如何
我來左右願英物試聽啼聲當一一湯餅之會亦更番
勿笑老饕徒餽歎

客有話唐人許道敏科第事者感而成詠

許郎昔爲時宰知聲價十倍高京師試官求才相公府
相公大稱力薦之加簡揖額試官去許郎聞之色飛舞
好友張郎新結婚來爲相禮懼賓主張郎初諧花燭情

許郎待挂金榜名高談搖佩。主賓樂飛章。縱酒餘子驚。
相公被詔乍遷謫。試官竟迷目。五色青衫落魄歸。去來
滿腔憤怨啼。不得黃金雖盡舌。猶在潦倒扣塞甘餘載。
一朝得志發上科。蹉跎白髮慚時宰。同榜諸君初邂逅。
中有少年年十九。許郎見此心感傷。姓名家世試詳叩。
少年歷歷布親串。許郎聞之發長歎。回首京華二十年。
乃翁親迎吾儂贊。少年卽張侍郎讀也自我失意歸故鄉。頗聞好
友欣弄璋。通家子弟艱會面。不意今作同年郎。當其慷
慨自期許。反掌功名快心語。榜中猶有人未生。勞爾資
緣亦何補。相公勢焰將柰何。試官炎涼空復那。失得尋

常勿悲喜。人生由命，非由他。

童曰：熱中人見之定應夢醒。又曰：極好筆仗。又曰：舍人七古全以敘得清達，得出見長。又曰：敘得清達，得出其源自馬遷來時手鳥得有此。

門蔭歌爲孫通判懷邦作

通判孫君吾外姻海壇總鎮之仲孫。一旦過我話家世，自言身被

先皇恩。

先皇恩詔出丹禁，大僚子孫許推蔭。是時伯父已在官

遞及家君以父任。

總兵名大綱，道光元年以宣廟登極，恩蔭一子未及受祿。

奄然殂，僉議襲蔭當在吾房。從忽起相爭，奪抱牘往控。

言虛誣有司積久不能定封章展轉達

天聽方今

聖人親召除始獲銓曹注名姓

咸豐五年始得引軍興見以選判候選

大開捐納科黃金臺上貲郎多年年卻送人作郡嗟爾
門蔭可奈何黑貂裘敝面枯槁卅載九上長安道輪蹄
鐵盡歸去來行年六十吾將老歸來妻兒啼飢寒丈夫
貧賤難爲歡作賈無財農無產百計不如仍作官去年
需次將及期行囊羞澁還典衣他人我先已十日親朋
笑我來何遲我有窮交歸自客昨日相逢好顏色鮮衣
怒馬游市中聞道軍前拜恩澤嗟我哀苦難具陳門資

外圖有詩集十一
三十一
衰歇慙先人噉飯食肉吾未老逝將往從江南軍

陳曰摹寫苦狀淋漓

盡致卻是真情實話

陳顛菁曰案通判後竟從軍死於粵寇之難未膺
卹典亦未有爲之表彰者家珩曾以其事告先生而
不能得殉節始末亦不能爲之作傳殊可惜也
然先生集中有此一詩通判亦可以不朽矣

溪頭老婦行

溪頭老婦哭黃昏哭聲淒楚不忍聞生遭亂離盡哀怨
何爲汝獨啼酸辛自言家住城南窟有兒壯年夫白髮
延慶寺前租荒園年年賣菜爲生活城頭解甲紛逃軍
倉黃奔竄驚四鄰我亦刮錢買馳馬最小船名也俗謂之快馬一家
數口依昏姻入山驚定愁無奈出門攜得斗升在來時

雨餘園菜肥。商量挑向隩中賣。父子相將入城去。此時
消息只如故。誰知一夜飛風來。紅巾徧滿西南路。鄰舍
有人逃出城。眼見父子驅爲兵。裹頭白布赤雙腳。長髮
健兒鞭之行。悲來不敢啼。人屋避人私。向溪頭哭。悔恨
當時不少畱。相對餓死意亦足。昨日萬人出城分。西東
逼迫俘囚爲先鋒。聞道此去戰諸暨。願他父子辛苦猶
城中。

陳曰老婦孤兒兩詩感慨時事而直言之足
稱浣花孀乳樂天尚姑舍是餘子無論矣

郭曰樂天新豐折臂
翁等篇同一感慨

劉曰悔恨二句警
悲意苦不忍卒讀

孤兒行

孤兒生命一何苦。什伯成羣作囚虜。孤兒命苦兒不孤。
孤兒各有母與父。父母看兒如掌珠。饑食肉糜寒衣襦。
忽遭喪亂抱兒走。相逢狹巷被牽驅。男爲役。女爲妻。
奪兒懷中兒哀啼。大兒十歲小六七。隊隊抱上城樓棲。
城西酒舖舊相識。昨來山中面黧黑。爲言身經十日俘。
繫在城樓餉兒食。羣兒哀啼聲續哀。極聲低音亦促。
每當啼急不忍聽。一呼賊來無敢哭。此時景狀尤慘然。
不知賊復何心肝。西城去此七十里。啼聲尙猶吾耳邊。
吁嗟乎巖陵昔歲賊虜至。十歲小兒都棄置。當時收刺

懵懂軍其最少年十一二

賊犯嚴衢時收十一以上小兒教之殺人謂之懵懂兵是

時吾友宋仲穆節壽昌第六子宗槩以十三歲被掠第七子宗臬年十一詭云九歲得免

而今網

羅及么麼破巢下更無完卵乳臭小兒何罪辜一朝羈
繼攫天禍城樓百尺高入雲黑雲低壓城樓昏上有青
天下黃口哭聲如雷天不聞

烏曰門蔭歌至此逼真老杜

謝鄭竹溪觀察勳惠洋燭

徐孺一下陳蕃榻

謂魚門中翰

西窗話雨燒長蠟佳製云自

洋舶來惠我十挺賦詩答蛟川鄭君來草堂亂後重逢
倍驩洽爲言客滬幾二年蠻貊夷琛五都雜奇技淫巧

焉取斯芒鞋空向市頭踏忽見蠟燭白皚皚滿前光怪
此爲甲永夜曾無見跋時未有高花須鐵夾棉絲作幹
軟無力不知祕造是何法呼僮買取三百枝此時尚未
彈歸缺他鄉風雨懷故人思君不見意勞悵聞君避地
墳墓鄉南山阿裏修經業挑燈著書常達旦夜半鶴鳴
驚落葉心念此燭持贈君夜夜照君資涉獵紅粉固應
貽美人寶劍會當投巨俠不然辜負有用材徒使明光
照紛逕草堂一宿詰朝去日晡伴來有長鬣細竹筐中
手擎出泥金番書綠油匣開匣笑看白雪丸六六停勻
巧排燂燃君此燭賦新詩皎潔一枝真玉立感君念我

當亂離鄭重爲我畱行笈眼中蠻燭長復長倘比君情定不及

烏曰狀小物

惟妙惟肖

童曰細膩熨貼其

選韻尤天然可愛

題節母王孺人秋燈課子圖爲倪繼美作

倪君念母哀苦節繪圖徵詩成卷帙三索我詩久不報
又向吾宗轉陳乞天高地厚江湖深憂心悄悄夜沈沈
點燈教子昔年境此境可繪難繪心孤兒弓冶繩祖武
繼美從其祖兩絲讀書耀門戶去歲繼美二歲時羅拜
杏仙爲醫子同入泮

畫圖前不負當年母勞苦嗟我十六喪嚴君又廿一年

爲鮮民慈訓在耳木已拱爲君題句重酸辛

劉曰吾師至性過人屢因他事而及風木之感讀此篇結四語想見落筆時涕淚俱下又曰此境可繪難繪心與昊天罔極同旨

贈江峴山封翁 家燮

江徐三世爲來往峴翁於我十年長前年徵詩來草堂
六十健走不攜杖爲言先人八老圖名輩題詠今畱儲
我慕風雅思繼志諸君有作君可無翁家門外湖波滌
園林之勝甲句甬詩書科第方鼎盛翁心泊然無所動
無何家難起倉卒掠翁東去投虎窟死生度外心泰然
以其至誠感狡猾吁嗟世事如雲狗昔日壯夫今已叟

眼中盛衰數十年。安樂患難都順受。只今老大甘食貧。
慷慨談笑常率真。游山看花自娛樂。有時散步尋故人。
昨復過我催賦詩。自言有過心不知情親。如君勿諛我。
當以語言箴規之。歎翁此道照人古。書翁舊事迹。翁語
素位而行。不願外。明。示。子。孫。卽。規。矩。

茹香爲其亡室徐孀人徵挽詩

吾與茹香同筆硯。結交今餘三十年。往來昵密話家世。
耳熟內助爲賢媛。避地山隩作鄰里。驚看孟光霜滿顛。
支牀病骨安患難。奈何少子遭迍邐。

吾與茹香同避建隩其仲子吉祥及

余仲兄子隆章皆被掠歸來先廬幸無恙。故物儒素留

王戊四月六日事也

青甌大兒新采泮池藻。難後得此。應喜歡。豈知憶念亡
人心轉當歡會。尤愴然。丈夫愛憐。尚不已。何怪婦人思
顯顯華言風語。覓消息。疾病抑鬱。恆纏綿。參苓可得非
心藥。確碟四載辭人間。嗟我老友手拮据。頭銜清貴無
俸錢。時茹香新得中書科中書營齋營奠作功德復乞挽歌聲其賢
生時宜家死受福。安用悼亡長悲酸。獨憐冬夜人獨旦。
不堪重解葛生篇。客建隩時余作山中學詩記常與茹香往復辯論余以葛生爲悼亡之作

茹香極賞歎之

劉曰吾師言情之作最近漢魏如此篇豈知
二句五古卷別時頗落落諸語尤入人肺腑

次韻答釀仙明經并餽之酒

生作蠹魚窠。楮葉脈望未化頭。漸雪胸中拉雜如亂絲。
成書不得一編絕。窮經餘事爲詩文。下筆無難通奧折。
李賀錦囊時暗投。禰衡懷刺久漫滅。邇來倒篋親別裁。
壬癸再遘五丁掣。破屋夜坐憶亡書。寒燈作暈眼花纈。
故人自遠詒新篇。時釀仙方館余家崇本書院一一佳言霏鋸屑。索
和未報忽經年。輪轉雙丸眞電瞥。以我斗酒媵我詩。事
業千秋姑勿說。有酒不飲徒愛名。此錯已鑄六州鐵。

用東坡聚星堂詩韻贈柳泉舍人

烏世耀

閉門靜掃書中葉。腕底如風胸如雪。百餘年來壇坫
虛謝山之後。君繼絕三豕字辨傳寫訛。五鹿角爲談

經折案羅飲器宵常溫帷映燈光曉不滅舊侶形忘
嬾送迎新題興到隨抽掣一聲霹靂箭離弦五色文
章花眩纈爭求傑作奉金科更愛清言霏玉屑要期
事業千百秋肯任光陰過一瞥賤子竅同秋蚓吟不
妨冰向夏蠹說龍門許登高恐顛扶我賴君拄杖鐵

贈陳揆卿同年

文楷

揆卿先生真且樸來課我孫主家塾對君髯巖各有鬚
卅載光陰歎局促富貴我已輕浮雲而君儵爾更無欲
以儉養德勤支家布衣蔬食自然足昔君累上長安車
同學少年多酒徒看花結客共君去明燈朗照吹笙竽

吳下雛伶美如玉。壓酒勸君甯。斯須舉杯一笑爲之盡。

目中有妓。心中無歸。來菽水安食。貧難兄難弟。同養親。

束身軌範。本家教讀書。服賈皆彬彬。莊椿無恙。風不靜。

嗟君先德真先民。尊甫昌黎生平好諛墓中郎。無媿。

惟斯人。余嘗爲前年粵寇海濱作君以其家匿巖。

壑賊中辛苦戴頭來。空驚道路傳聞惡。壬戌四月余由

鄉忽傳君及陳子相馬鮮亭三家竝陷於賊是時道路

隔絕無從探聽然以天理卜之當必無此事已而果知

其妄。人生不幸遭亂離。豪氣名心盡消索。垂老重覩昇平。

年一家聚順貧亦樂。只今兄弟何怡怡。怡相見無華言無。

欺長幼式好。既不易外內同德。誰維持廉泉讓水在人。

世豈必晚近。非軒義與君。話舊有新作。珍重家風如此。稀。

題陳子相四餘讀書圖

有序

子相以老爲生之餘。合古人三餘稱。四餘於是。以四餘讀書名其室。復以名其圖。而記之。云造物佚我以老人。各有能有不能。吾所能自佚。吾老者讀書而已矣。藉先民話言。怡悅吾情性。非特辨難爭論之意。毫不起於胸中。卽掩卷都忘。吾何嘗不陶然自樂耶。達哉言乎。是又一讀書法也。自維鑽研故紙。垂四十年。冉冉老至。曾不知悔。誦君此記。爽然若失。雖然。人各

有能。有不能。我不能。強君舍汝。而從我。君亦不能。強我舍己。而從君。好之斯樂之。夫固各自有其快然者在也。今題君圖。當發君意。是亦公羊氏所謂名從主人者乎。

古人三餘君。四餘老。爲生餘。姑讀書。灑江送別。昔年事。君歸自粵。西時同僚。爲作灑江送別圖。今與此圖合裝成卷。召工重畫新畫圖。圖中

貌君鬚皓皓。手持一卷。如年少。有客笑謂君。計非何必讀書始娛老。聞君舊讀種花譜。學宦不成歸學圃。君自號鄞

西老種菜。依然呼菜傭。搗腸拄腹空勞苦。夜來紡花鄉鄰譏。吾鄉鄙諺云。日裏走人家。夜來紡棉花。謂不早也。他生智慧難可期。憑君

更讀五千卷。來生尙早。今生遲。君笑謂客不欺我。我欲
廢書無不可。願我生來百不能。而亦不能。竟安坐。齊王
雞蹠干。乃已。嬰兒一餅啼。卽止。人生有欲。總如斯。求我
所欲。斯已矣。不攝生。何須道。經不佞。佛何須。上乘不討
論。何須三絕。不博古。何須百城。但有文字。可屬讀。卽復
與之交。忘形。徐子聞言。懽然作我。亦生命蠹魚。託把卷
不知老。將至纔見。數行便思索。題詩一笑。吾非歟。輸君
自有讀書樂。

九言

戲作生子歌贈湯耕吾

淮

湯翁六十一歲初生兒杯盤大會賓友喜可知不肯召
我同作湯餅客乃復強之速賦弄璋辭尋常弱冠生子
不恨早孫曾行輩之兒母乃遲胡爲三黨來集月湖渚
但聞百喙齊賀枯楊秘久失怙恃地下穿望眼終鮮兄
弟旁屬非親支卅年此心宛如轆轤轉一旦入室對此
襁褓啼欲取卽與雖得未足貴屢求弗獲忽來斯爲奇
定知一夜充閭氣鬱鬱何妨六旬阿父鬢絲絲前年范
叔畫蘭徵吉夢謂范丈雨生爾時徐子擲管填好詞縱曰無
功而此意良厚豈宜失德使人涎空垂今我斯陶不覺
再歌此倘翁怙過未知以報之異時眼看此兒復生子

我雖爲翁狂喜定無詩

陳曰欲取卽與

二語奇情至理

童曰欲取卽與兩句中包卻多少層折又曰作九
言詩必須大氣盤旋消納一切非但令人增減一字
不得便爲合作也此雖偶爾游戲之作而汪
洋奔肆中仍自紆迴曲折正由才大心細耳

烟嶼樓詩集卷十二

男隆壽平甫校字

烟嶼樓詩集卷十三

鄞 徐時棟同叔稿

慈谿葉鴻年吉甫刊

五律上

劉曰吾師五律濂出右丞參以本色謀篇造字無美
不臻鳳章請以管籥之見臆揣句法可乎諸篇中有
以真賞勝者如人賤無知己家貧壯勝者如宦海身
醉言因得意忘諸聯是也有以悲壯勝者如宦海身
猶在家居死不孤丈夫終死國遺恨未收城諸聯是
也有以拗折勝者如巖瀑自於雪野花紅到秋黃葉
雨中落白雲山外來諸聯是也有以流利勝者如更
無終夜月不送一聲雷湖山君再訪談笑我無緣諸
聯是也有以潛遠勝者如野花迎客笑水鳥背人飛
谿聲隨落月秋氣帶寒鐘諸聯是也有以幽秀勝者
如野橋低坐水孤雁澹歸邨雨色寒蒸樹泉聲亂入
溪諸聯是也至忽見月生水相隨人過橋一聯兩句

併作一句寫景入化細參格律幾與摩詰行到水窮
處流水如有意兩聯相頡頏非祇拈得一瓣香矣若
令阮亭尚書見之

定當入摘句圖

童曰自在流出情韻俱得似學白而出藍者至其聲
調激越筆致高超則逼近初唐不得但以明白了當
目之又曰劉評極是又如歸棹半吳語曉山生
越烟未到刀波去此來春水生皆句圖中句也

喜楊氏從甥歸自台州明日復別

別久不相識稱名我始知家鄉何日到長大竟如斯信
已連年斷人來暮雨遲曉聞簷鵲噪應是報歸期

二

吾姊中年死孤兒甚可哀零丁依叔父辛苦到天台年
少焉知事山高不易來只今悲喜集爲爾舊醅開

大母常思汝相逢感復深何堪悲往事已聽換鄉音似
識依人苦難畱作客心明朝還走送別淚兩沾襟

陳日三詩語語質實老到
令人不識作者纔弱齡也

王曰情摯語真老嫗都解而格律渾成不能點
竄一字作者不特天才亮特實至性過人也

烏曰明白了

當似易卻難

童曰深於情熟於境清空一
氣明白如話是爲律呂正聲

登南城尋慶雲樓故址 有序

慶雲樓舊在南城之上明季海道副使王應華所建
者也副使用異人伍柳園說謂必建樓斯地而後郡

中無兵革，既成自爲之記。凡高卑丈尺，至門戶向背，皆有定位。未幾天下大亂，茲土獨安堵，亦可異哉。年來忽圯壞，余嘗與湯孝廉型謀興復之，而未果也。尋覓故址，慨焉有作。

野馬上城頭，驕嘶白日秋。今看芳草地，舊是慶雲樓。城堞土花碧，江山劍氣收。承平二百載，鼓腹共嬉遊。

二

昔我嘗登此，臨風慨以慷。叶豈知人世事，一夜見滄桑。
余嘗與陸東岑登城游覽樓側時已岌岌不可上賦詩記之明日遽聞樓圯
遺蹟隨流水，詩付夕陽獨憐憂。思意載筆有王郎。

三

斷碑不可讀而我復登臨此地空寥落何人問古今水
天通異域海市失蠻琛念此忽不樂更無知我心

大梅山懷梅子真有序

郡邑志以大梅山爲梅子真隱處故名竈臼在焉按
漢書稱子真隱會稽今甯波古會稽地則志說不盡
誣也而或又言山有大梅樹樹爲它堰及今會稽縣
禹廟之梁以是得名是不又相矛盾乎

抗疏遂高隱吳門與越鄰此來山有主莫道漢無人還
往神仙易安排竈臼新如何載筆者重說樹輪囷

舊評鍾雲屏曰
三四對得奇絕

清晨由戴公嶺入金巖寺

白雲何處宿，侵曉尚蓬鬆。
三折戴公嶺，滿山黃隩松。
溪聲隨落月，秋氣帶寒鐘。
試立寺門望，烟霞知幾重。

劉曰：氣韻蕭散，味在弦指之外。

陸曰：冲夷澹逸，似不食人間烟火者。

同子舟詠陶靖節限用五柳先生傳中字 有跋

結會如何往，招之許盡觴。
然而終不樂，便去亦何常。
書以酣情醉，言因得意忘。
此生空嗜好，頗或著詩章。

二

著書忘姓氏。榮號曰天民。樂志何求富。爲文自贊貧。有言留不盡。此意解無人。情性閒如許。蕭蕭焉得親。

三

親戚常招飲。如期造必先。少畱因醉也。旣去亦欣然。此樂曾無盡。人生自有天。不知便何往。或在酒家邊。

四

亦有閑閑宅。何爲戚戚歟。先生常在此。短柳自環如人。賤無知己家。貧頗富書。五言詩賦得樂意。輒於於。

庚子小除。余與子舟同賦此題。去傳中重複。僅得百二十餘字。而選其平仄字。可諧韻者。居然足備十律。

支韻八字可二律魚韻四字真韻五字先韻六字陽
韻五字尤韻四字皆可成一律紙韻可一律真韻可
律感眉搖膝不知小除之候而大除也既遭兵燹盡

失舊稿後乃於燼餘中檢得殘紙尙存四詩錄之以
誌數十年前聯牀之樂而子舟詩不可問矣記當時
成詩後忽復得句云若有酒常醉此其家不貧下句
全用史記頗自得意擬補成之而終不果漫記於此

同治乙丑十月望夕

劉曰四詩氣體
高妙澹然自足

陳曰子舟有句云無酒不知己有詩
如舊人嘗屬余書楹帖故尙憶之

次韻答董阮山
放

吾愛董夫子，翩翩大雅羣。有詩先贈我，無日不懷君。空
谷高人畫，阮山善寫墨蘭斜陽孝女墳。阮山工書，余屬題陳孝女碑何當重
把臂，舊事得多聞。

二

十載長安道，歸來意致深。故鄉好山水，閒日一登臨。青
眼或狂飲，白衣常苦吟。家風須繼響，阮山父名史著，有漸齋詩鈔莫
憚鬢霜侵。

集唐句送粹甫北上

下馬飲君酒，詩看卷素裁。一經傳舊德，五色耀仙材。高
閣客竟去，春風帆正開。先侍郎遺句見雲溪友議中以文常會友，何

日復歸來

二

客路青山下。西陵繞越臺。故人從此去。春色正東來。海
內存知己。明時方愛才。近

天忻所寄遙想白雲隈

董曰明秀

似岑嘉州

童曰對偶天成幾
令人忘其爲集句

前余歌歸自廣西贈子相後十餘日子相袖答
歌見訪余適他出未晤作此寄之

前度來遊客。重聞到水邊。湖山君再訪。談笑我無緣。短

榻懷人夢殘花中酒天平生思慕意下筆總纏絲

二

三徑依然在一官歸去來長吟不辭苦作答果然哀似我非知己斯人多愛才豈真懷壯志幽興到荒萊

三

骯髒西風裏知君壘塊多倘來談往事爲爾續前歌月落星橫斗秋空雁渡河牀頭有長劍把酒且摩挲

四

不識相逢後新詩復幾章但歌今日樂莫悔少年狂野館浮燈火殘星照屋梁何時見顏色重與話斜陽

次韻答柳泉

陳勸

記訪幽人宅雙扉綠水邊好山皆畫意佳客總詩緣
舊雨重來日斜陽欲暮天思君不相見有弟話纏綿

二

爲有高堂念歸途萬里來未伸烏鳥思旋抱蓼莪哀
作吏無嫌俗逢時愧不才贈言感知己相慰在蒿萊

三

凡事如意少平生壯志多蒼茫身世感慷慨故人歌
桂海秋移棹桑乾曉渡河舊遊話燕粵把劍幾摩挲

四

絡繹詩筒寄長歌復短章祇因情繾綣不減興清狂
古調傳流水餘音欲繞梁何人比高格吾愛孟襄陽
亂後歸里鍾雲扉同陸丈靜廬

行健

董君阮山

見過雲扉出意外吟其讀卽題卷後

談詩誰得要吾愛陸先生世事皆顛倒鍾君獨性情斯
言真有味非我好隨聲讀罷題吟卷還持作定評

二

更有阮山氏曾無一首詩自言遭喪亂那得復悲思迨
睹傷心句常逢點首時應知見此者哀感總如斯

童曰一筆寫出痕跡俱
化非老於詩律者不辦

羅蘿村師課士詒經精舍分賦晉宋書隱逸傳

十章

會稽夏統

買藥洛陽去。浮橋春水深。吳兒歌一曲。忠孝是鄉音。太
息豪華俗。空驚木石心。櫻欄花滿野。何處更重尋。

陳畱范粲

優詔二千石。陽狂卅六年。孤臣無限痛。聖主若爲憐。生
死一車了。清貧有子賢。如何忠節士。卻廁逸民篇。

河內郭文

先生行荷擔。刺吏尙車迎。窮谷苦牀地。空山木葉聲。此

身隨在樂不憶故無情何事稚川子重畱沒世名

武昌郭翻

高節殊難得沈刀事未。然固辭虛客意復。受人憐謝
聘將終老居貧卻墾田將軍能下士來入武昌船

敦煌宋織

鏡鼓喧山谷威儀太守尊。見賢不以道欲入閉之門。白
髮經生席丹崖隱士村歸來空歎息石壁尙畱痕

雁門周續之

開館通三義同門號十經。少年都講座暮歲帝王廷。處
士高。清淨斯人尙典刑。鍾山移病去巖澤惜遐齡

南陽宗炳

策蹇匆匆去蕭疏兩鬢斑三湖新買宅四壁舊遊山絕
調驚當宁傳琴未掩關同時戴安道王使竟空還

琅琊王宏之

願作漁師老飄然撥棹過故人無恙在新日得魚多鄉
夢拋江左高風滿浙河貂裘隨意著采藥入山阿

南郡劉凝之

萊子傳投畚嚴陵不曳裾無端對王使稱僕尙修書笑
脫看花屐同乘入市車衡山高絕處曾此結茅廬

會稽朱百年

袂布滿啼痕。男兒罔極恩。醉中忽棖觸。悲絕木棉溫。入世身無累。談元舌尙存。知心有萊蕪。若老山村。

郭曰吾師五律逼真開寶諸子詠史詩氣體高妙亦在近人五研齋之上

題鄭杏卿杏林春曉圖

吾愛鄭高州。文章第一儔。至今遺澤遠。無改舊風流。把酒知豪興。論交始去秋。瓣香懷往哲。應許鶴江遊。

二

有約看花去。長安二月中。鬧紅千樹錦。走馬一鞭風。圖畫春先在。題詩語未工。舊時聲價滿。重看掃秋虹。

越篷聯句

一櫂飄然去

何琳

秋風越水行望中鄉樹遠

王世濬

天際莫

雲平談笑餘豪興

謝輔站

江山歷幾程無端詩思動

范邦

涼月上初更

時棟

二

不識蕭山路頻頻問榜師漸聞人語近轉覺櫓聲遲旅館明燈火棲鴉換樹枝

時棟

官橋斜出路猶有酒家旗

時棟

曉渡錢江聯句

如此江山好乘風破浪來

琳

蚤潮千疊湧初日片帆開

不盡古今事誰當利濟才

時棟

茫茫空闕處回首越王臺

世濬

殤同兒寄子舟京都

三十不得子兒生我母歎期年相捨去老淚未能乾我亦愛憐甚念之心骨酸瘞銘悲不已還寄遠人看

送傅歎生歸臨海

亂後重相見寒衣入酒壚忽成三載別新長數莖鬚談笑無餘子干戈只故吾醉中君莫問舊事總模糊

二

決計諸生老看山兩腳忙何人還襪襪謂爾太荒唐綠酒遊仙夢青年結客場眼中浮世事慎弗悔疏狂

劉曰讀眼中浮世事二句見古人臨別贈言之義

三

未了名場債。來年尙一行。君當知此意。我豈愛微名。自有傳人業。非關問世情。馬鞭長揖緩。且復說生平。

四

此去中秋後。木犀花正開。滿山香不已。送客到天台。無計堪畱別。相看更愛才。何時商舊學。遲爾四明來。

董曰風格迥上滿紙淋漓少陵得意作也

贈湯丈耕吾

謂我逢君久。曾無一字貽。半關生性懶。又恐大巫嗤。此夜忽相憶。有情從可知。來朝聞剝啄。敢說報章遲。

二

是月多風雨尋常未出廬天寒頻中去酒客去且看書
生計今安若新詩問起居梅花定開足香冷復何如

董曰以古體之法作律詩一氣相生不見對偶之迹作者最擅長也集中此類甚多偶拈其一論之

哭楊閑史秀才

倅信

相見不曾數每逢常最親已憐君卧病猶爲我沽春鄰
笛淒相感儒冠誤太頻始君兄以劬書天天年今君又繼之可惜也昔時傳

吉夢遺札尙酸辛

君嘗夢予生子以札致予

秋夜同王稻雲世濬登吳山絕頂

吳山無暑氣明月水邊樓攜手一長嘯同登最上頭淡

雲千片白燈火十分秋何處吹長笛西湖有釣舟

丙午八月十四夜闌中作

六度錢江水頻來鎖院中木犀花正發香遶一身風
整頓威儀肅包涵氣象雄儒生觀大體瑣瑣說窮通

二

富貴尋常事吾生早定謀安能懷壯志長此學低頭
絕業懸今古諸君任去爾卧看明月上客路又中秋

光溪

落日放船去灣環度石根遠橋低坐水孤雁淡歸村紅
樹新山色青袍滿淚痕低徊溪上路悽絕兩招魂

時仲兄及

亡室皆殞溪上
相距一里許

劉曰遠橋二句寫景

幽絕卻好引起結意

陸曰遠橋一聯字字烹

鍊卻極渾成超詣也

烏曰遠橋一聯琢鍊而

出以自然姿學兩到

莫別徐旭林星池兄弟出奉化城

刻上吾宗彥歡然雞黍邀別君時曖曖送我路迢迢忽
見月生水相隨人過橋前村投宿去餘醉未全消

岔河旅夜

迢遞來相見關山路幾程行囊煩檢點低笑若平生旅
柝驚殘夢鄉心亂別情攬裘長太息涼月正三更

三月十二夜聞中夢見先伯兄明日得家書兄

子隆德入郡庠喜而有作

矮屋三條燭更深睡未安見君聞語笑向我索衣冠自得南中信方知地下歡別離十四載來夢豈無端

二

潦倒當年事青旣恨不平故人重話舊

時李莪山郭少逸諸君同寓崇

文門下孤子始知名尙助磨圭志無忘式穀情阿咸吾望汝豈獨在簪纓

周丈伴槐沅挽詩

十七年來久時時丈室過古人憂患意彌覺老成多獻

歲驚聞計殘冬尙養病後賢師儉德期望定如何

王丈蓮君

瀛

權知河池州卒於官詩以哀之

陳子歸來日贈詩哀意多

陳子相自廣西游宦歸曾作歸自粵西歌貽之

迨公

將就道勸我續前歌薄宦身名盡驚聞涕泗沱可憐吳札劍長自悔蹉跎

苦雨

何處堪行路江南正作

去

霖更無終夜月不送一聲雷

野望山全墨江空浪欲堆俄聽簷溜斷又見溼雲催

二

比歲遭荒歉稻苗今幸肥老農無限量日日候柴扉蝸

迹壁頭滿鳥聲簷外稀可憐種花者還說有生機

周曰此舍人戊申歲和李笙翁作也落句微露作意固知古人尋常詠物題要自有命意在

范丈筠圃

邦曄

挽詩

過我作酣飲匆匆已四年邇來豪興減兩鬢早蕭然顛
頓經生席淒涼坐客甌門前月湖水剛繫孝廉船

時長君子

眞蕪自京師歸里

欲問

欲問漁樵業優游江上村有情天亦老無佛我稱尊世
態平心見斯民直道存前言吾旣悔輕薄與誰論

陳曰次聯以成語作對極工卻極自然

庚戌下第南歸經蘇州信宿閶門外忽見白髮

數莖感賦

往矣觀燈樂來思競渡忙旅懷望燕月歸鬢點吳霜作
客易爲老窮途不敢狂舟車八千里無語慰高堂

烏曰第四句點用
長吉真切無痕

弔何一山先生

桂馨 有序

先生爲予弟子舟房師道光丁未二月余入都謁先
生時先生方官御史一夕招飲邸第厯敘生平自言
宦數十年矣屢起屢廢從不知有奔競今年逾六旬
浮沈仕籍轉不若令弟不出之爲得也醉中媿媿感

慨久之及庚戌之歲余復入都先生已卒於官歸過
吳門往弔其家追念前言悵焉有作

招飲都中日生平細細論始終惟我法拜罷盡

君恩羈宦嗟流歲歸田羨及門只今過故里在耳悵言
存

烟嶼樓詩集卷十三

男隆壽平甫校字